

电报局委员。办理该局电报事务，兼办廉州电局事。现年委员为黄鹳尹鼎钟。福建人。九月调办海口电局。接办者为金二尹良。江苏人。

龙门协。现任者为李协镇庆云。嘉应州人。衙署向设龙门，每年数月移驻北海。

北海城守。现年充是缺者，前后为黄维英。龙门人；朱安衡。小江人；黎尚荣。广州人。

北海汛官。现年充是缺者，始为孙仕荣，廉州人。十二月卸事。继为蒙廷恩，高州人。

北海廉防续备军各营管带，由统领扎委。现年第十三营管带为裘少尹锡钊。福建人。四月该营调往潮州，即调第十五营驻紮北海。管带为潘守戎胜尤。合浦人。五月卸事。接带者为王守戎幹卿。廉州人。十一月卸事。接带者为吴州别驾则骥。合浦人。所带兵勇，共二百三十四名，派护北海及附近者，共六十五名。

广金、安澜兵轮，派巡廉属洋面一带，无事则驻泊北海口岸，以资镇守。凡廉欽属兵餉，多借该轮由省运到；此外或载运兵勇来往粤边，差遣无常。故有时匝月之久，该口岸不见有该轮到者。现年广金兵轮管驾为陈千戎志洛。福建人。八月销差。接管者为陈千戎兆用。福建人。安澜兵轮管驾为刘千戎湘华。福建人。现年广金到北海十六次；安澜到北海三次。

官廨

珠场司属合浦县，其衙署向在南康。土人有称南康司。查道光季年，司官于二月抵北巡阅，收取烟规、船头规。迨咸丰五六年，始僦衙署移驻北海。

洋关乃光绪三年二月创办。首二年，商家未悉洋船规例，其出口油麵、靛、八角、纱纸、锡等货，向系付回澳门本行。至光绪四年，澳门船载货来北，至碇州头，陡遇狂风，全船覆没。冬月，新祥顺船由北载货至碇州行口，又被风打坏二船，破耗十余万两，商人为之震恐。光绪五年，即转付轮船，洋关之旺收从此始，即常关之短收亦从此始；又值西江寇氛不靖，厘厂林立，所有来往广西之南宁、龙州、柳府、贵县、玉林，进出货物，皆舍彼就此，税务遂见涨旺。至光绪十五年，收至二十八万九千余两，此为极盛。光绪二十三年，梧州通商，昔日借道进出之货，复由西河。光绪二十四年，广州湾租与法国，高雷属及近广西所销之货，又从广州湾运去。

又洋药一宗，因该处无税，而廉钦、灵山、玉林、博白，均被其乘冲销，是以从前每年千余箱，近年不过百余箱，进出口征税，在十三万左右。常关创于同治八年，**南**北海无税关，只设一卡，入口除抽棉花、洋药；出口除抽纱纸、八角外，各货均免抽税。同治八年，该卡因买担头米，互相争论，放枪恐吓，轰毙对面铺伴邓振基一名，土人不服，突起风潮，遂将该卡折毁，旋将委员沈茂林牵出改辱，越数日而毙，当时瑞制军闻变震怒，委阳江镇彭玉统驾兵轮二艘来北按办，方拟大加株治，有玉石俱焚之势！商人恐惧，尽将货物他徙，挑男负女，仆仆道途，不堪言状。幸合浦县邑侯王香坪来北，步行通衢，遍为晓谕，谓拟办为首若而人，余其无恐，人心始稍定。然货物早迁，固已破耗不鲜矣。是役也，舒办数人，封铺十间，如今之海关厘金厂及公馆等铺，案遂了结。由是改设新关，即今之常关，每年收税五六七万两。迨洋关一旺，常关税遂递减。洎光绪二十七年十月朔，则归税务司兼办，而常关仍设常驻代理委员一名，海关亦派一洋员在此办公。近年出入口货，值八十余万两，收税每年约万两，统由官银号完收。

银号始设于有洋关之年，专收税关银两，该号每日派人到海关完收。先是高广恒，由商承充，因省高恒茂倒盘，转永安，嗣是若兆康、若陈有合、若海记，凡三转，然后慎裕继之，至现年则改为海关官银号。

厘金厂设于光绪二年。厂内驻委员一名，兼管廉州、钦州二分厂，专收渡船出入厘金，洋商之进出洋土货，只纳税，不纳厘；华商之进出洋土货，须纳税，又纳厘。但厘金厂不能派员到洋船查验华商之货，只可到商铺查验而已；又台炮经费，亦归厘厂兼收，此项为张宫保督粤时所创，凡棉花、棉纱、足头、自来火、煤油，均须缴内台炮经费，且比厘金尤重。近每年约收厘金不下万两。

洋务局，初未设局。光绪七年七月，督抚完札委厘务委员许霖办理北海洋务，即于二十日开办。嗣是该局事件，均由厘务委员兼办。至十六年，委朱守感翼专办局务，稽查华傭出洋，设局自此始。十七年，添派黄委员为会办，旋于二十年五月间，奉文裁撤，时委员盖彭君也。二十六年，李文忠公督粤。七月间，复委汪委员设局开办。是局之设也，除与各领事办理交涉事务外，防查拐带，亦该局义务。一曰妇女幼孩出口，均先由殿实行店具结到局，查讯属实，始给恩照，再携恩照到洋关，换给准单，方得附轮出口。此节始于光绪十五年；一曰华工出洋，由局确查无拐带情事，方得出洋，否



則扣辦解辦；一曰華商前赴越南貿易，或逕到駐北海法領事署領有人情紙，方得前往；或由殷實舖店，具保到洋務局，查訊屬實，即發憑照，再携到法領事署，換給人情紙亦可。現年婦女幼孩領照出口者，共四百六十五名；華工出洋者，共三十七名；華商領照往越南者，共一百零九名。

電報局，設于光緒十一年。駐局委員一員。近每年進款約三千元。現該局之委員，兼辦廉州電局。

郵政局。創于光緒二十三年正月間，借洋關為辦公之所，歸稅務司兼管，日有起色。現管分局四處，即廉州、欽州、玉林、安鋪是也；又有代理九處，即博白、武利、靈山、小董、陸屋、北流、石城、遂溪等地是也，來往北海、廉州及廉州、欽州，每日均有信差，余外則每日由北海或廉州、或欽州，發遣信差前往一次。

水師行台。北海鎮例每歲巡洋一次，來往直經北海，即駐行台，其餘廉屬各員往來，亦多假作行轅者。

香坪書院。同治八年鬧卡之役，督撫委員帶兵舒辦，商民惶恐奔避，里室為虛。后得合浦縣王邑侯香坪，為之轉圜其間，幸無株連。事定，商民感其德，思所以表彰之，以志弗諼，爰集資倡建，榮奉王邑侯祿位于其內，遂以香坪名其院。近調廉防續備軍一營，分駐北海地面，以資鎮守，該營管帶，每假書院以為駐紮。

洋官

大德國領事府，署北海領事官，兼理海口領事官法時敏。

大法國領事府，現年副領事官，始為陸公德；繼為施備。該領事兼理東興領事及北海法學堂法醫院事；又代理在北海之葡國商務。

大英國領事府，及代理奧國、美國領事署員，現年代理領事，始為畢爾遜；繼為根卓之，仍為駐海口之英領事節制。

洋商

一德商森寶行。始于光緒十二年。該行專辦火水及代理招工等。

一德商捷成行。由華商代理船務。

一法商孖地行。只派華人代理。專辦火水及船務。現年洋商生意，約占通埠二成，生意可稱中等。

洋樓

英國領事署。光緒三年，先租民房為之，至光緒十一年，始建署。駐北海兩人，以英國為最先，故其建署也亦最早。

法国领事署。建于光绪十三年。

德国初无驻北海领事官，所有该国通商事务，由英领事代理。嗣于光绪二十八年，始派领事来驻，暂借税务司公馆办事。是年租小洋楼，即迁入为署，至现年乃建成新署，八月间，遂由旧居迁入。

法邮政局。设于光绪二十五年冬间。先租民房为办公之所，迨年夏间，邮局落成，然后迁入。该局兼收来往各处邮信，然往越南邮费，较廉于付中国邮局，故人多付之。往中国各处邮费，较贵于中国，故人少付之。每年出息无几，经费由政府津贴。

税务司公馆。建于光绪九年。

洋关外班洋员大楼。坐落崩沙口外。是年春季创建，明年夏季想可落成迁入。

双孖楼者，一连两楼，同在一围墙之内。一建于光绪十二年；一建于光绪十三年。英国教士，现居于此。

森宝洋楼。一建于光绪十七年；一建于光绪十三年。

总计北海大小洋楼共二十二座。夫西人所以乐居此土者，以水土和平，饮食便宜，除衣服靴鞋来自香港海防外，余物均可就地采办也。

学堂

国家锐意维新，振兴学校，粤省督抚，屡飭所属刻期兴办。廉州府治，已设中小学堂二所；而北海绅士，亦奉太尊谕飭筹款兴办，迭经绅民会议，惟未算有的款，现尚属踌躇，大约下年可以举办矣。现年合埠大小书塾，计七十余处，学童约千名左右。

英国义学，分男女两所，均附普仁医院内。男义学，创于光绪十二年。聘请教习，专授中国经书、地理、算术、信札、体操等。初时学童，不过十名左右耳，嗣是递增，现年学童，则有七十余名；女义学，始于光绪十六年，分男女教习，教授一如上，女童兼学针带。初年女童，亦十名左右，至现年约七十名。男女学童，均不取脩金；且均可在堂食宿，现年学童在堂食宿者，男女各约二十名，每名每月收回食宿银一元，家颇小康者则收二元。通院每年经费，初年约千元，逐年递增，近年约万元矣，俱由院内总理人及英国各处善士苍助。又在院有女教士，以西字切音法，教授中国老妇，如圣经各书之类。

法国学堂。设于光绪二十四年。堂内设掌院一名，综理教育事；中文教习一名；法文付教习一名，分司教育，胥聘华人充当，专授中法文字，不取学生修金。每年大致一次，奖赏学童，颁费曰，由

领事主持，邀请中西员到览。其经费由法政府支出。现年学童约四十余名，除葡童一名外，俱是华童。

德国德华学堂。附设德教堂内，即以该教士为掌院，另聘德人二名为帮教习，华人一名为中教习，教授中德文字及体操。亦分男女两学。男学始于光绪二十七年；女学始于光绪三十年。现计男学童四十三名；女学童十五名，除男学童内有壹十三名兼习德文，每名每月须送修金一元外，其余男女学童，均不取修金。现年经费约二千五百元，俱由德人捐出。堂内另有刊印所刊印各书；并于光绪二十九年设报纸，每礼拜派一次，名曰《东西新闻》，北海只有此报。惟新闻抄裂者港各报为多，且文字平常，故不甚畅销。

教堂 教民附

法国天主堂。先是在东泰街买地建屋，嗣于光绪七年迁建于广西行后街。奉传天主教，驻北海及附近北海者，该教民数约三百名，连合浦属约共三千八百名；灵山约共六百五十名；钦州、防城共约一千六百名。

英国普仁医院。内有宣福音一所，其新教堂，即在医院旁之余地建筑，现年十一月落基石，下年定可落成。该堂奉传耶稣教。驻北海及附近之教民，约二百名。

德国教堂。建于光绪二十六年。为德教会又名长老会所设，有德教士常驻此。奉传耶稣教。教民在北海者，约一百三十名。

医院

普仁医院。创于光绪十二年，为耶稣教士所设，驻院英医士一名，赠医施药，不受分文，每日本埠及附近村落就诊者颇众，近年每年就诊者约三万余宗。院内设有床铺二百，如欲留院医理，亦无不可。近每年留院治病者，亦数百宗，至药费米饭，如病者非贫苦流，则须酌补多少。光绪二十一年，院内并设疯院一所，座分男女。查现年疯人居院者，男八十名；女四十七名。其疯院规则，上午讲书，使疯人听之，下午则令习手艺，稍精者如拾字刊印等；粗者如织鞋及打扫院内地方，且设赏给以励精勤。其用心亦云善矣。

法医院。亦以赠医施药为事。归法医士办理，由法政府派来。向僱民房以为医所。现年秋间，即在法学堂侧建院，下年落成。各经费均由法政府捐出。

广仁社。乃广府商人钦赞所建，经始于同治十三年三月间，落成于光绪元年。初议为病重垂危者设一养病所，如有不讳，即在此

收殓。意至善也。惟近年作为行棺义庄，反令垂危者无可安置，良可惜耳！该社兼理广府义塚事，每逢五年，将寄葬北海之骸骨，起运回里，然亦听死者之亲属作主，其费用由社支出。广仁社每年经费百余两，惟遇五年起运之期，费用较多，约四百两，均由租项出息支出。所有社务，亦由广商轮值管理，每年八九人，内公推一人为总理。除每年支销经费外，尚有盈余，故创设“太和医局”，先由该社拨助银七百两。

太和医局。设于光绪十六年。亦广府商人协力欲赞，借行善举与广仁社相通一气者也。专办赠医施药搭棺等事。局有永远哲理四人；另每年公举总理四人、协理四人。协理者，即以先年之总理为之。又哲理分四班，每班四、五人不等。尤有司理一人，常川驻局办事。聘请医师二名驻局，七点至十一点，以便贫病人到诊，初未施药。每年经费约四百两。自光绪二十一年施药后，计每年经费约七百两。现租项出息，除支销外，尚微有所长，故不用年捐。惟药剂则每年由广商益助一次。每遇星期，各哲总协理到局叙会一次，查看局务。应酬茶点，均由各人科出。大抵一人每年须费十余金云。太和局、广仁社所有支销，今即未刊徵信录，惟数目存局，均班班可攷；且向系殷商管理银两，尚称涓滴无私也。

局所 会館附

北海公局，为合浦属十六团之一，名靖海团。设于道光初年。局驻本地紳士四人。凡本地民人，遇有婚姻、田土钱债细故，赴诉公局，则由该局紳谘列是非，判断曲直。至两造各执，无从劝处，任由两造禀官。或本地人有地方上交涉之事，该局紳为之代表，从中调停，排难解纷，是其义务。该局紳由众公推，而廉州府合浦县定之。其经费取之猪捐，每斤抽钱二文，计每月约得钱二十余千，仅足支销。

北海洁净局者，以连年疾疫，由于道路溝渠，污秽薰蒸所致。合官紳商筹捐经费而创办者也。现年季夏，劝捐得八百余金，遂假太和医局开办。公推总理八名；广府商人四名，本地商人四名。司理银两及洁净事务。设督工一名，监视扫夫之除道。街分三段，分布扫夫，每日打扫一次。春冬每月大洗街渠二次，夏秋每礼拜大洗街渠一次，并置撒播车大小共六辆，每晨以木鐸徇于道路，收载各户之撒播，意甚善也。其洁净事宜，随时改良。每礼拜各总理叙会一次。敬义堂公局、球场司、洋务局，均与议焉。第洁净一道，中国人素不讲求，而经费又极困难，深恐有始无终耳。查本埠濒海

其势自高而卑，如商人尽知洁净为卫生要务，则通埠创凿暗渠，如香港式，亦自不难。大约需款不过数千，然演剧媚神，岁糜巨款，以彼易此，指日可成矣。

敬义堂。乃广府商人于同治元年设为会议之所。聘一绅士以为代表，常川驻堂。凡钱债官讼及交涉事，均集堂会议，而代表任之。现充斯席者，为三水孝廉梁君保三。其堂内经费，由广号视生意之大小，定科钱之多寡，近年约需二千元云。

高州会馆。乃高州商帮欲筑建造，以为会议之所。初高州之商于北海者，本属寥寥，故未议建。自梁安利、陈正和、黄新盛、张逐成、麦高昌、戚信兴、蔡宝轩七人为之倡，欲资生息，积累凡数年，嗣是该帮人日益众，赞成者日益多，或捐金钱，或助木石，遂于同治七年建成，共费不下三千金。会馆积蓄无多，故无聘请代表人。每月初二为期，每人捐银三毫，约五十余人，用二毫以办东，存一毫以为会馆内费用。

碉堡

碉堡仿自鄂省，即望楼也。光绪六年，张大令文翰适权合浦篆，以北海要冲，遂创东西碉堡以资守望。先是某太守议办冬防，而款无可拨，谕令地方铺户，筹捐经费，自捐廉俸二百元以为之倡。旋办冬防不果，绅士禀奉，将此款作为建筑碉堡之用。北海昔无洋关洋楼，故未调勇驻紮。光绪十一年中法之役，沿海戒严，始置砲于此，故又称之为东西砲台。中法和议成，砲遂撤去，而碉堡遂以荒废矣。

茶亭

北海地只一隅，无名胜可以登览。惟埠之东二三里，林深菁密，望之蔚然，亭树其间。是亭也，询之土人，叙曰，先是吕祖师李大仙告示，此地颇佳胜，又当往来要冲，其建亭便。光绪二十三年，梁君超振、梁君凝思等，遂劝捐兴建。即年亭成。亭中镌吕、李二仙象，盖志始也。三水孝廉梁君知鑑为之撰序；贡生梁君殿藻为之书丹，勒诸贞珉。亭颇高敞，石桌石凳咸具。夏秋之交，好施者时陈茗于亭，以待路之渴者，征夫过客，少住为佳。当夫夕阳在山，清风徐来，北海人士，咸登观而散步焉。亭后有庙曰普渡震宫。光绪二十四年，亦众善士捐助而建者也。座分前后，崇奉偶像，皆慷慨有生气，庙貌燦然，为北海诸庙冠。守庙有二善士，好清静。地方颇整洁，庭前鲜花芳草，四时缤纷。故廉官之莅北海也，所属送往迎来，多伺候其间，冠盖相望。

坟场

岭头一望平旷，名目亦多，除村落及开垦外，类属埔间，尤有义塚数区，乃各商帮歛费而购者也。一为广府义塚，坐落永兴岭及独树根岭；一为阳江义塚，坐落黄泥窝岭。

洋坟亦有二区，一为耶稣教坟，坐落岭头，占地横直约五丈，始于光绪十二年；一为天主教坟，与耶稣教坟相距十余丈，占地横直约五丈，始于光绪二十九年。

港海

中国口岸，轮船进出，北海亦称便易，以海面深广，并无暗礁等险故也。下碗处离海关仅三四里，水涨则抵岸甚易；若水退，非小舟能泊岸耳。惟间值东北风大作，连日不息，风起水涌，海浪澎湃，海面轮船起落货物，为之大阻。盖载货物之大小各船，均空若而惊，不敢驾驶趋就也。故轮船候载货物，或有数日之淹泊者，然岁中亦甚鲜遇此耳。其余廉欽属各港口，水程或深，水底何等土质，序列如下：其遵海而西者，曰西场港口，水六尺，厥土惟沙；曰大观港口，水八尺，厥土沙泥；曰龙门港口，水一丈三尺，厥土沙泥；曰渔冲港口，水一丈一尺，厥土沙泥，左右皆石；曰防城港口，水九尺，厥土惟泥，左沙右石；曰白龙尾港口，水一丈三尺，厥土惟泥，左沙右石；曰竹山港口，水七尺，厥土惟沙。其遵海而东者，曰孔子港口，水五尺，下泥而右石；若白龙港口，水七丈，左沙而右石；若盛龙港口，水八尺，其下纯沙；若石头埠口，水一丈八尺，其下沙泥，左有三石；若对达港口，水一丈，其下沙泥；若安铺港口，水一丈六尺，其下沙泥；若旧庙港口，水八尺，其下净沙；若长洪面，水七尺，其下沙泥；若沙脚面，水七尺，其下泥；若草潭面，水七尺，其下沙；若港门面，水八尺，其下沙。以上所列水则，系就水之最深浅处，及潮水盛涨时而言，至潮水退尽，则减少水六尺度。

轮船

北海洋面，洋船少而华船多，尤以渔船为占多数，大小约有五百艘。商渡仍属寥寥。前未通商时，由广州省城来者，皆从澳门搭头船，约十日内可到，由陆则分东西两路，计程一千三百里。东路由江门往恩平，过那隆山，到阳江城、八甲、织口、梅泉、化州、石城、安铺而北海。西路由北海一日廉城、二日常乐圩、三日沙河。

四日博白城、五日船步、六日玉林州城、七日北流城，僱船经容县出藤县江口，落梧州、都城、德庆、悦城、肇庆、过峡、西南而佛山。若冬天水浅在北流落船，尚有行五天仍去原处不远云。现轮船常川来往北海者，只有三艘。一名于爱，乃法国邮船，每两礼拜由香港经广州湾、海口、北海至海防，复由海防折北海，经海口、广州湾，返香港一次。法国邮船如上往来者，仅始于光绪二十六年耳。一名海南，乃法商船；一名得利臣，乃德商船。此二船，大约每礼拜或旬日，由香港到北海，折而回港一次，均多经海口者。有时海防有货，亦驶往接载。余外尚有杂船一二艘，然数月仅一见耳。英、德、法每年亦有巡船到一二次。查现年法国兵船到四次，德国兵船到二次，洋关巡船到一次。

附：廉州

廉州府治，在北海之东北约七十里。城内有万寿宫、圣庙；又有廉州府、合浦县、府县儒学、北海总镇、道府、都府、守府各衙署，局有电报、邮政。学校有中、小学堂。此外如音公祠，即春桥学宫，东坡亭、海角亭等颇称胜地。骚人雅士，每眺瞻其间。按宋英宗三年，苏东坡为廉州太守，此亭即其轶事也。至风土人情，与北海无大差别，商务亦颇可观，其进出口货，俱借北海为门户。生意以靛、粉、火油、洋布、棉纱为大宗。商家亦以广府帮为大，故设有广府会馆一所。由北海陆行至廉，一路康庄。昔时披星戴月，往来络绎不绝。近因盗贼充斥，商旅不敢夜行。沿途旷野平原，一望无际，未开垦者十之八九，殊为可惜。由水程往廉，可至老哥道，再起岸抵廉，不过四五里耳。

高德

高德乃一小口岸，亦由沙积而成。在北海之东十里，往廉城者必道经于此。铺户约数百家，居民约数千，多以捕鱼为业。渔船之泊于此者，常有百艘之多。大小渡船，多就地制造。有续备军二哨常川驻扎，以为防守。

涠洲

涠洲墩，乃一小岛，周围约七十里，在北海之东南百余里。岛中居民，多捕鱼为业。同治初年，广东巡抚蒋中丞，将普甯客民派送至此开耕，而居民始事农业。法国神甫亦同到传教，日染耳濡，习以成风，故居民约八千余，而天主教民已不下一千矣。涠洲向无

官署。光绪三十年，始设涠洲司；又龙门师船，常派一艘驻泊，以资镇压。该地出产有花生油、生猪、海味等物。每年九月至十二月，渔船到此捕鱼者约千艘，颇为热闹。

龙门

龙门乃一海岛，局面甚小，在北海之西约西四十里，由水道往钦者必经之。有协台暨左右营都府各衙署，然协台亦多驻北海。龙门居民约千余，类以捕鱼为业，食粮人尤占多数，无事时亦尚有捕鱼取蚝者。

钦州

钦州城，在龙门东北，距北海水程约二百里；陆程约二百九十里。城内有知州参府等衙，近以高廉钦道，改为廉钦道，亦驻钦州，即以参府旧署为道署。局有二厅，曰电报局、曰邮政分局。名胜则有天涯亭。钦州商务，多于廉州而少于北海，其进出口货，亦借北海为门户。出产则有蚕丝、牛皮、鸡鸭毛等物；陶器如坭花饼、香炉、茶壶茶杯、砚等，其色黄，略分深浅，式样颇为雅致，价亦相宜，然为质易破，携带不易耳。查此器用黄土烧成，此土出于双角嶺及磨刀水两处，离城约七八里之远云。商家亦以广府帮为大，设有广府会馆，专理商家事务。由北海至钦州，渡船四五艘，每艘约旬日来往一次，但无一定之期，如遇顺风，十余点钟可到，否则三两天始至矣。

白龙尾

白龙尾为粤东西南海面之极边，距北海约一百七十里，海界与越南近。海贼行劫，辄借越界以为遁逃藪。现白龙尾驻有都司一名，千总一名，兵五十名，师船四艘，常川驻守，然究非海贼敌，且贼一逃越南之狗头山，师船每追之弗能及，非派兵轮，无以镇守。此地除官兵外，并无居民，其孤踪可想概见。

东兴

东兴为粤东西南界之极边，距北海水程约二里六十里。地与越南属之砥街对峙，只隔一小河，仍有铁桥以便往来，华洋错杂，故与法人交涉最多，然亦不外互交逃犯之事耳。地方上之事，有防城分县主治之；办交涉则有洋务局委员专其责。法国于光绪二十一年，始派领事驻东兴，近已归驻北海之领事兼理。故法国驻砥街之大员，

遇有紧要交涉，则由驻北海之法领事，与廉钦道直接磋商办理。现年秋，设处洋务局，归北海洋务局兼辖，遇有紧要交涉，则由法领事与北海洋务局商办。东兴距白龙尾约六十里。由北海赴东兴，常有渡船来往。光绪十一年中法之役，和议成，东兴始旺，而交涉之事，寔以繁多矣。

前后大事录

光绪十一年，中法失和，南关之役，法驶兵舰三艘来北，封禁口岸，港电约驰，商家震动，尽将货物迁移，一时居民惊恐，如避兵燹。

十二年和议成。国家派钦差大臣邓成修、李勉林赴东兴划分边界，直经北海。冬月正钦差到，越三日，副钦差亦到。是时合浦县为危邑侯帅臣。

十三年八月，张宫保亲到巡历。是时合浦县为林邑侯祝三。

十九年三月，学宪徐花农按临廉钦，直经北海。是时合浦县为吴邑侯次士。

十九年夏四月，廉州大雨滂沱，一连四日，潦由地中行，深至一尺二寸有奇。廉州附近，均被水原，田禾淹没，溺人以百十计，亦天灾之惨者也。粤督即拨官款赈济。北海太和医局亦拨款办米，往赈灾区。厥后廉州府刘太守嘉许医局之好施，赏以匾额一方，文曰“施济为怀”。

二十年，患旱，且有瘟疫，同时香港、羊城亦如之。

二十二年冬，外沙大火，焚屋百椽。

二十三年夏，瘟疫盛行，数月乃止。

二十六年，拳匪之役，外人颇有戒心。八月，有英国巡船名舞鹤，驶泊北海，以备外人之欲离本埠者，旋以该埠别无蠢动，外人安之，该船遂驶往香港。法国亦由东京派来巡船名河内，以资保护。是年春，越南法督往海防，尝驻北海一天；又驻北京法公使，因往河内，亦道经北海。

现年三月，俄国波罗的海舰队，直趋远东，与日本海战，直经中国洋面。上谕飭沿海各省督抚严守中立。北海为沿海要埠也，奉督宪飭地方文武各员，会商中法各事宜。至六月，日俄议和，沿海始解严。数月间，军民均甚镇静，市面如常。五月，奉宪禁赌，雷厉风行，赌徒屏息。六月，法领事将林中月等匪二十八名，由越南解回北海。同月开办洁净局，经费由绅商捐出，且商收商办。同月，江门渡满载布疋等货，由江门驶来，洋次沉溺，货物全失，值银一



B0085971

十余万雨。七月，虜行杭捐兩事，致斃屠夫一名。八月初二日，颶
風大作，坏船三十余艘；又同日谣传花旗麵有毒，而饼店月饼销
路遂滞，旋由地方官出示禁漲，饼店平沽，亦售去不少，此外别无
妄动。



¥ 20.00元